


DILO TŠOHLE

 Dulang. Go no theetša pina yela ya kgale, *Dumela Feela*, gomme wa go nkhudua. Gomme ka gona wa tla ka gare, gomme wa ba le kamogelo boka yeo, o no ikwela boka go tšea maemo a gago. Gabotse, ke—ke thabile go ba modiša modirišani wa Life Tabernacle. Ke rata lentšu lela “Bophelo.” Ke boletše ka lona mosong wo, “Netefatšo ya Bophelo.” Gomme ke a holofela gore yo mongwe le yo mongwe o na le pholisi, gobane ka kgonthe re a e hloka, o swanetše go ba le yona go ba le netefatšo.

² Bjale, ke a nagana ba tsebišitše gore go ya go ba le tirelo ya kolobetšo feela gannyane nthatana, gomme kafao re lebeletše pele go nako yela ya tirelo ye ya kolobetšo. Gomme re ya go leka go tlemologa feela ka pela ka mo re kgonago. Ke . . . lapile gannyane, gomme ke tla ka pela. Billy o nteleditše gomme o rile, “Ke nyaka o tle ka pela bošegong bjo,” o rile, “ba ya- . . . nyaka o ntšhe ka pela.”

³ Ke rile, “Ka pela ke eng?” Gomme ge e sa le ke gatetše ka ntle ga nako go ya ka Bokagosafelego, gobaneng, ga ke sa na nako ye nngwe gape. Ke no se tsebe gore nako ke eng. Ga re sa e ela gape, Jim. Re no e tlogela e nnoši.

⁴ Jim, o na le ditheipi morago kua, ke a nagana. Ke a thanka di tsebišitšwe go tšwa sefaleng mo. Gomme ga ke tsebe ka fao batho ba di kgotlelelago, eupša di ya go dikologa lefase. Gomme di morago kua, makgolo a melaetša ya go fapana go tšwa dikarolong tša go fapana, methalo ya thapelo.

⁵ Gomme kafao, mošemane yo mo, ratswalagwe le bona, go na le . . . ba na le . . . metšhene yeo, e šomago kgafetšakgafetša, go nyakile mosegare le bošego, go di dira. Gomme re no, ba di rekiša feela ka mothalong wo mobjalo, ba no se kgone go feta kgauswi, le go di rekiša. Gomme kafao, ge o di nyaka, di fale, le dipuku le go ya pele, le dingwalwa tša tabarenekele fa. Gomme kafao re . . .

⁶ Ke kopana le batho nako yohle, ba re, “Nna, o a tseba, ke be ke raloka theipi ye e itšego: ke phološitšwe.” “Ke . . .” Dilo tše dingwe tšeo e bilego tšhegofatšo go batho, gomme ke ka lebaka leo re di dirago di ye ntle, ke ka gobane di šegofatša yo mongwe le go thuša yo mongwe.

⁷ Bjale, ke nyaka go bala Lengwalo, bošegong bjo, le hwetšwago ka go Baroma 8:32, gomme re tla ya thwi tlase go no bolela, mo metsotsong e se mekae. 8 . . . Baroma 8:32 e balega ka mkgwa wo:

Yo a sego a tsebafa Morwa wa gagwe mong, eupša o mo gafile bakeng sa rena bohle, gape a ka lesa bjang go re fa dilo tšohle tuutšea ka yena?

Ke be ke bolela mosong wo ka netefatšo, gomme bjale, bošegong bjo, goba, ka dipeeletšo, a ke re, gomme bošegong bjo: “O Re Fa Dilo Tšohle.”

Bjale, a re rapeleng.

⁸ Bjale, Morena, re kgobokane mo e sego ka lebaka le lengwe go feta go bolela ka Wena, go opela ka Wena, go paka ka Wena, le go tliša letago le tlhompho go Leina la Gago.

⁹ Gomme re a rapela gore O tla šegofatša mokgobokano wa rena mmogo, gore Bogona bja Gago bjo bogolo bo tla tla, gomme bo tla re fa se sengwe le se sengwe seo Modimo a se nyakago go rena bošegong bjo.

¹⁰ Gomme kgopelo ya rena e pele ga Gagwe bakeng sa go sepela kgauswana, phološo ye ntši, maitemogelo a magolwane, phodišo ya mmele, le dilo tše ntši kudu, Morena. Wena o di tseba tšohle.

¹¹ Gomme ge go ka tsoge gwa tla ka menaganong ya rena, go ka reng ge re be re se ne Tate wa Legodimong yo re bego re ka kgona go tla go yena? Go ka reng ge re ka be re se na le felo go itaišolla ka borena, ge nkabe re se na le sešitiši sa sebe, oo, a batho ba go šokiša re bego re tla ba bona.

¹² Eupša re thabile kudu, Morena, gore re na le Yena, yo a lego botho, le go tlala lerato, go romela ditšhegofatšo tša Gagwe go rena. Re di thabetše kudu, Morena. Le ge re ka no se e hlagiše feela gabotse, eupša O tseba dipelo tša rena, Morena.

¹³ Gomme ke a rapela gore re tla hwetša mogau ka sefahlegong sa Gago, bošegong bjo, ka go moopelo wa rena, ka go thapelo ya rena, ka go mokgwatebelelo wa rena ka go rereng, gore O tla re fa, bošegong bjo, dikgopelo tšohle tša rena, ka gore re e kgopela Leineng la Jesu. Amene.

¹⁴ Bjale, gosasa mosong, sekolo sa Lamorena, gomme gosasa bošego, go tswalelweng ga (ke a nagana tsošeletšo?) megobo. E sego. . . Ke a holofela ga se go tswalelwa ga tsošeletšo, eupša feela go tswalelwa ga kgobokano ye ya kakaretšo. Gomme ka gona ke a holofela tsošeletšo e tšwelapele go ya pele le pele.

¹⁵ Bjale, ge le ka mpha šedi ya lena ya go se arogane, feela lebaka la dinakwana di se kae, gomme ke tla leka go bolela ka thuto ya *Dilo Tšohle*. Gomme ke e ruta bontši goba bonnyane boka tlelase ya sekolo sa Lamorena, gobane ke. . . Le a tseba go fihla bjale gore ga ke moreri. Kafao ke no swanela go dira bokaonekaone nka kgonago bjalo ka go hlaba Lentšung. Eupša ke a e dira, gomme ga ke Le hlabe, tlwa, go fihla ke dumela, le go dumela ntle le go šišinyega, gore ke tseba se ke bolelago ka sona, ka gore ke itemogetše se ke bolelago ka sona. Jesu o rile, “Re tseba se re se dumelago.” Re itemogetše.

¹⁶ Ke naganne mosong wo gore moprista yo monnyane wa Mogerike yo a bego a na le rena ka difihlolong tša kopanelo,

ka semelo se sennyane sa go makatša, le mohuta wa go nyaka boitemogelo bja go teba.

¹⁷ Ke na le moprista yo mongwe yo monnyane wa Mogerike yo a etelletšwego pele go ya go Kriste ka ditheipi. Tatagwe ke morutiši wa orthodox ya Bagerike, monna wa go hlompfiwa ka Gerike. O tlile godimo fa go fetša thuto ya gagwe, a swara ye nngwe ya ditheipi. Gomme o- . . . sa pele o e swaswaladitše. Gomme morago o tlile, gomme a kolobetšwa, gomme a amogela Moya wo Mokgethwa.

¹⁸ Gomme o rile, “Ngwanešu Branham, ke a tseba ga o tsebe Segerike, gobane ke a kwešiša ga o tsebe Seisimane se sebotse kudu.” Eupša o rile, “Ge e ka ba mang ka kgonthe a tsebago Segerike. . .” gomme ke serutegi sa Segerike, o rile, “. . . tšwelopele ya polelo ya gago le Gerike e phethagetše ka go felela, e bea Mangwalo mmogo.” Ke ka baka leo a kolobeditšwego gape. Um-hum. Le a bona? Gomme o rile, “Ke—ke—ke tiragalomatlabi. Gomme go no tseba ga o se tsebe, eupša moo o beago Mangwalo a gago mmogo, tšwelopele ya Mangwalo a gago e kitima ka Segerike.”

Kafao ke nagana ke tla ba le yena go tla godimo le go bona ngwanešu yo monnyane yo nakwana. O tla ba thušo ye kgolo kudu go yena. Gomme bjale, re rapedišeng.

¹⁹ Dilo tšohle, re ka se kgone go bolela ka dilo tšohle, eupša dilo tšohle ke tša rena ka Kriste. Gomme ge A se a tsebafa Morwa wa Gagwe mong go tliša se go rena, ke bontši gakaakang A tla e tlišago ge A. . . ge re rata go e amogela. Bjale, nka se kgone go bolela ka dilo tšohle, eupša ke—ke nyaka go bolela ka selo se tee se itšego ka dilo tše tšohle. Gomme ke nagana seo ke selo se bohlokwa. Seo ke, go *swarelwa*. Ke rata lentšu lela, go *swarelwa*. Gabotse lentšu le ra, “khunologo go tšwa go molato.”

²⁰ Gomme a boitemogelo bjo e lego, go yo mongwe le yo mongwe yo a bilego le boitemogelo bja yona, go hunollwa go tšwa go molato.

²¹ E sego go leka go retologa ka sebopego tsoko sa saekolotši, go retologa; eupša go *swarelwa*. Seo se ra gore ke go lahla. Ga se sa le gona. Se lebetšwe. Go retologa go tloga go e ka ba eng, o ka boela morago go sona. Go swana le dibe nako ye nngwe di be di khupeditšwe. Eupša bjale ga se tša khupetšwa, di hladiilwe. Di sepetše ka go felela, di beilwe ka lewatleng la boleledi go se tsoge tša gopolwa gape. Ke rata seo.

²² Ke a tseba metlae ga se ya maleba ka phuluphithing, gomme gagolo ka go kgobokano ya Pentecostal. Eupša go dira ntlha, ke boditšwe gatee gore mohumagadi yo moswa yo a bilego le tate yoo a bego a lla kgafetšakgafetša le go goelela ge a bala ka Beibeleng ka dibe tša gagwe di lebaletšwe. . . Kafao mosetsana yo moswa o nyetšwe, gomme a hudugela ka toropong, gomme a ba wa ke—ke kereke ya mohuta wo fomale ka disosaete tše dintši.

Gomme—gomme sosaete sa bahumagadi se be se swanetše go thabišwa ka ntlong ya gagwe. Gomme o maketše ka fao a bego a eya go homotša papagwe nakong ye, gobane o be eba le maikutlo ka kgontho.

²³ Kafao o rile, “Gabotse, ge nka mo fa Beibele, o tla lla le go goelela nako yohle. Kafao go ne selo se tee feela seo ke tsebago go se dira. Ke tla no mo fa *Thutafase* le go mmea godimo ka kamoreng ya godimodimo, go no mo dira a lebelele diswantšho.”

²⁴ Gomme e ka ba ka nako ye ba loketšego go aba tee ya bona ye pinki, goba e ka ba eng ba e dirago, le a tseba, go be go le tlhakahlakano ya go šiiša kudu ka lebatong la godimo, go goelela, le go taboga, le go pshikologa go dikologa, le go pampa godimo le fase, le go goelela, “Haleluya! Haleluya!”

²⁵ Basadi bohle ba tšhogile, gomme ba kitimela lebatong la ka godimo, gomme o hlohotše *Thutafase* go tšwa seatleng sa gagwe, gomme o rile, “Papa, yeo ga se Beibele. Yeo ke *Thutafase*.”

²⁶ O rile, “Ke a e tseba,” eupša o rile, “letšatši le lengwe ke be ke bala ka Beibeleng moo dibe tša ka, di swaretšwego, di beilwe ka lewatleng la boleba (Le a bona?), di bolokolwe ka lewatleng. Gomme ke bona fa ka go *Thutafase* moo lewatle le tebilego kudu, go fihla ebile ba sa kgone go hwetša botlase bja lona nako ye nngwe.” O rile, “Di sa ya pele le pele.”

²⁷ Kafao ke nagana seo ke se *tshwarelo* e se rago, ke “go phumoga moka,” e sego go no retologela ka thoko le go leka sengwe, eupša se phumutšwe, se ile. E sego go retologela ka thoko, eupša go bile. . .re bile, ka *tshwarelo*, re lokolotšwe, e sego ka saekolotši. Ga se ra lokollwa ke thutotumelo. Ga se ra lokollwa ka maikutlo. Eupša re lokolotšwe ka maatla a Khalibari. Re lebaletšwe, re lokologile. Oo, se go se rago go lokologa, morwalo go tloga magetleng a gago, go tšwa pelong ya gago, motho wa go lokologa.

²⁸ Ke bile le boitemogelo bjo bonnyane letšatši le lengwe. Ke a thanka ga ka swanela go bo bolela fa, eupša ke nyaka go bo bolela. Ke bile ka tlase ga morwalo wo mogolo lebaka la mengwaga ye mehlano bjale, bjalo ka ge lena batho fa le tseba ka ga yona, go tšwa go mmušo wa federale. Gomme ba be ba leka go hwetša tsela ye nngwe go ntshwara. Ka dikopanong mo mengwageng ye lesometshela ka tšhemong, ba latišitše morago le go topa ditšheke tše batho ba di dirilego ntle ka sebele go nna ka dikopanong, gomme e bile le leina la ka godimo ga yona, gomme nna ke e saenne, ke e tlišitše ka Tabarenekeleng bakeng sa ditshenyegelo.

²⁹ Gomme mokoleki wa motšhelo wa letseno wa mmušo wa federale o boletše gore ditšheke tšeo e be e le tša ka ka sebele, ga go kgathale se ke se dirilego ka tšona, ge. . .Boka, ngwanešu tsoko o saenne tšheke mo lefastereng bakeng sa ditolaro tše dikete tše dintši kudu bakeng sa leeto la mošwamawatle. Morago

o e saenne, go no lefa go tloga setheong sa gagwe go ya go tshepedišo ya William Branham; ke e saenne, le go e bea ka go Setheo sa Tabarenekele. Re bolokile tšheke ye nngwe le ye nngwe, se sengwe le se sengwe, re e tlišitše morago.

O rile, “Eupša ge o e saenne, e be e le ya gago. Morago o e neetše godimo go Tabarenekele.” Ga go tsela ya go e fenyā. Yeo ke phetho.

³⁰ Kafao, oo, nna, godimo ga magala le morago le pele. Gomme ba rile ba be ba eya go ntira, gore ke ba kolota ka go boradia, le ka dikopano tšohle tša ka, ditolara tše dikete tše makgolotharo le *metšo*.

³¹ Ke rile, “Nka kgona go e lefa ka tolara ka ngwaga. Ke a holofela ke phela botelele go lekanela go e dira e fetšwe.” Gomme . . . Eupša ke e ganne. Ke rile, “Ke lefa metšhelo ya ka. Ke . . .” Eupša šeo yona.

Ba re, “O kolota yeo gape.”

³² Gabotse, godimo le fase, gomme ba bile mengwaga go puruputša semelo. Gomme ke bolela se ka Beibele ya ka e bulegile, banna ba ba dutšego ba le gona ba ba bego ba le fao le go e tseba, gore ga go sente e tee ba kilego ba e hwetša yeo ke e šomišeditšego nnamong: ke feela Mmušo wa Modimo. Yeo ke nnete.

³³ Kafao moemedi o nteleditše ka letšatši le lengwe, gomme o rile, “Ngwanešu Branham, mmušo o loketše go itšimeletša,” ka morago ga mengwaga ye mehlano. Ke bile le Ice le Miller ka Indianapolis di šišintšwe go nna ke Ngwanešu Arganbright. Ke be ke sa kgone go tlogela set- . . . setšhaba. Ke be ke le ka tlase ga taolo ya mmušo, molato wa federale.

Gomme ke naganne, “Nna, nkile ka dira eng?”

Gomme ba rile, “Gabotse, se ke se o se dirilego. O be o swanetše go be o tsebile bokaonana.”

³⁴ E be e se bomenetša, gobane ke be ke e bea ka kerekeng, feela ge batho ba be ba dira tšheke, ba be ba sa tsebe go e bea ka go setheo, ba nno e dira, “William Branham.”

³⁵ Gabotse, ge yeo e eya go kgabola ntlo ya go phumula, go na le khophi ya go gatišwa e dirilwego ya yona. Kafao ba bile le ye nngwe le ye nngwe ya tšona. Eupša ba bone moo ke di tipositilego morago fa ka go Tabarenekele ya Branham go lefa ditshenyegelo, le go ya pele, le go ya kopanong ya mošwamawatle. Gabotse, morago le pele . . .

Gomme ka gona o rile, “O—o ka kgona . . . Ba nyaka go itšimeletša le wena.”

Gomme ke rile, “Gabotse, ga—ga ke e kolote.”

³⁶ O rile, “Gabotse, bjale sese sona, Ngwanešu Branham.” O rile, “Ke a dumela o na le sebaka sa diphesente tše

masomesenyane senyane ge ba go biletša tshekong.” O boletše gore, “Ba ka se kgone go go bea molato, eupša ba leka go go biletša tshekong go bolela gore o a e kolota. Gomme ge ba dira, ba ya go ba le e ka ba sebaka sa phesente e tee go se ba se bolelago, gore leina la gago le be le le godimo ga yona, gomme o e saenne. Ka fao, e be e le phahlo ya gago, gomme morago o e neetše go Tabarenekele.” O rile, “Ba ka kgona go hwetša molato kgahlanong le wena.”

³⁷ Gomme yohle e be e le peeletšo, e be e le godimo ga peeletšo ka kerekeng, le go ya pele, ye re bego re e šomiša bjalo ka setheo sa go se dire mašokotšo. Morago le pele. Ngwanešu Gordon Lindsay, fa mosong wo, o tllile godimo le go ntwela, gomme—gomme yo mongwe le yo mongwe o e lekile. Eupša ga go tsela ya go e dira. Ba nno e swara thwi fase.

Gomme o rile, “Selo se tee sese, Ngwanešu Branham.” Ka gona ge a mpoditše se se tla tšeago go itšimeletša, se ntšhošitše go iša lehung.

Gomme ke rile, “Nka se kgone go dira seo. Ga go tsela go nna go se dira.

³⁸ Gomme o rile, “Gabotse, bjale selo se tee sese.” O rile, “Re ka tšea molato, gomme re baemedi ba gago. Eupša ge re eya kua, le go ba le molato, go na le sebaka gore re ka kgona go ba botša gore tše e be e le dimpho tša go se kgopelwe gomme di be di sa lefelwe motšhelo. Ka gona o hwetša motšhelo wa bohwa. Gomme fao e ka no e gogela godimo ga ye mengwe ye mene goba ye mehlang mengwaga.”

³⁹ Gomme ke rile, “Oo, nna.” Ke rile, “Ga ke nyake seo. Ke kgauswi. . .” Ke rile, “Gomme ga se nke ka ba le moriri wo mopududu ge selo se se thoma.” Gomme ke rile, “Feela kgopolo ya go leka go mpea molato, boka go beng moradia goba lehodu. . .” Gomme ke rile, “Go tla bjang gore ba kgone go tšea modiredi, yo a lekago go rera Ebangedi, gomme a netefatša go šomiša tšhelete bakeng sa Mmušo wa Modimo go fetola disenyi, le go ya pele, le go dira le lefelo le lekaonana go phela, gomme ba nyaka go go dira o dire seo, ge dikhamphani tša sekerete, le wisiki, ka thelebišene ya mahlapa le se sengwe le se sengwe gape, e beile kankere ka go wena go tšwa go kgogeng le se sengwe le se sengwe gape ka mokgwa woo, le go kgona go e tloša, kwalakwatšo yela, bakeng sa motšhelo wa bona wa letseno bakeng sa mmušo? E no se be gabotse.” Ke rile, “Ga se gabotse. Ga o ntshware gabotse.”

O rile, “Seo ke sa mmušo go tšea sephetho.”

Gomme ke rile, “Modimo o tla dira sephetho sa mafelelo. Yeo ke therešo.” Kafao ke swareletše.

⁴⁰ Ka gona mo—mo moemedi o rile, “Sese sona, Mna. Branham.” Gomme ke be ke leboga seo kudu. O rile, “Go na le, ga re kgone go hwetša selo se tee kgahlanong le leina la gago.

Eupša ge ba ka tsoge ba go biletša tshelong, gomme go beng modiredi ka botsebalegi bja gago, ba tla bo phitsika ka leraga go kgabaganya setšaba, go ya tshelong.”

“Gomme go direga eng gona?”

O rile, “Ga go kgathale o netefaditšwe go hloka molato gakaakang, magareng ga batho ba bantši o tla no be o sa le molato.”

⁴¹ Boka ngwanešu yola yo bohlokwa wa Baptist tlase fa e sego kgale kudu, yola mosadi o rile o tlike ka ntlong ya gagwe gomme a mo roga. Le kwele ka yona. E godimo fa felotsoko ka borwa, gomme e ka ba mengwaga ye meraro ya go feta, goba mohlomongwe e sego bokgale bjoo. Gomme modiredi yola o netefaditše le phuthego ya gagwe gore o be a le dimaele tše leggolo masometlhano bokgole lebaka la matšatši pele, le letšatši la go swana, le matšatši a mantši morago. Ebile le dikgorotshoko di nyakile go retologa go dikologa le go botšiša modiredi ge eba o be a nyaka . . . o be a nyaka go . . . o be a nyaka go sua mosadi bakeng sa go senya leina la modiredi.

O rile, “Mo tlogeleng a ye.”

⁴² Gomme a le bone bouto yela ya botsebalegi go kgabaganya naga? Ka pela ba tswaletše leina la gagwe mogohle, gomme batho ba rile, diphesente tše masomešupa tša Maamerika ba rile, “Oo, moo go nago le muši, go na le mollo.” Bjale, ngwanešu yo bohlokwa yola o tla swanela go dikadika ka tlase ga seo matšatši ohle a gagwe, mola a se ne molato bjalo ka e ka ba mang fa. Gabotse, ke lena bao.

⁴³ Gomme, ao, o mpoditše, o rile, “Go tla tšea tšhelete ye ntši go e dira.” Gomme ke be ke se ne eupša e ka ba ditolara tše masomešupa tlhano, gomme o be a nyaka dikete tše masomenne, go lefela tšhelete ya moemedi le mmušo.

Ke rile, “Ke dirile eng?” Ke ile gae.

⁴⁴ Ke rile go Meda, mosadimogatša wa ka, “Hlapiša difahlego tša digotlane, lokiša diaparo tša bona. Ke tla ba hopo bophelo bja ka ka moka.” Ke rile, “Nka se e dire. Seo ke sohle se lego go yona. Ge nkabe ke kolota, ke be ke tla tšwa mphufutšo go e lefa. Eupša ga ke e kolote, gomme ga ba kgone go re ke a e kolota. Ga ba kgone go e netefatša. Ba bile le mengwaga ye mehlano go e dira, gomme go le bjalo ga ba kgone go e dira.”

⁴⁵ Ke mosadi wa go fola kudu. O letile lebakana le lennyane, gomme a tla a bea letsogo la gagwe godimo ga legetla la ka. O rile, “Bjale, motsotso feela.” O rile, “Eupša elelwa, Bill. Ge ba . . . ge o tšhaba, bjoo ke bofšega.” Gomme o rile, “Ba tla be ba sa e swara kgahlanong le wena.” Gomme o rile, “Go ne selo se tee feela: go lebana le yona.”

Gomme ke ile ka kamoreng ya go khutša gomme ke rile, “Morena, ke swanetše go dira eng? Mphe Lengwalo.”

Sese se se tlilego go nna: Nako ye nngwe ba Mmotšišitše, “A go lokile go rena Bajuda ba ba lokologilego go lefa lekgetho go Kesara?”

O topile peni gomme a re, “Ke seswantšho sa mang se lego godimo ga yona?”

O rile, “Sa Kesara.”

O rile, “Gona neelang Kesara se e lego sa Kesara; sa Modimo, se e lego sa Modimo.”

⁴⁶ Ka gona ke bone fao letšatši le lengwe A rilego go Petro, “A re se ke ra ba kgopiša. O a tseba, o na le huku ya dihlapa ka potleng ya gago o e rwalago go dikologa nako yohle, feela segopotšo gore o kile wa ba motheadihlapa. Ke na le pankha tlase kua ka hlaping.” O a tseba, Yena ke mong wa se sengwe le se sengwe go le bjalo. Kafao O rile, “Ba nno dira tipositi lebakana la go feta. Eya tlase kua gomme o lahlele huku ka gare, gomme hlapa ya mathomo o e tlišago godimo, bula molomo wa gagwe, gomme pankha e tla lefa. Gomme e iše tlase kua gomme o ba fe yona bakeng sa Ka le wena, gore re se ke ra ba kgopiša.”

Ke rile, “Modimo, O sa ne hlapa.”

⁴⁷ Ga ke tsebe ka fao ke yago go e dira, eupša ngwanešu a dutšego thwi fa, e ile go noute ya ka. Ke ile tlase le go adingwa ditolarana tše dikete tše masomenne, ka kwešišo ke tla e lefa morago ka go mengwaga ye lesome, dikete tše nne ka ngwaga. Ga ke tsebe mokgwa wa go e dira, eupša O sa na le hlapa. Gomme ke—ke. . . O na le. . . Yona yohle ke ya Gagwe.

⁴⁸ Ke ile gae, gomme ke ngwadile, morago ga go ngwala tšheke, gomme ke beile godimo kua, “Ke lefile ka botlalo bakeng sa motšhelo wohle wa morago.” Gomme ke naganne, “A mmušo o tla e amogela ka mokgwa wola?” Gomme feela pele ke etla tlase fa, ke naganne bokaone ke leletše pankha.

Gomme ke leleditše pankha, gomme thelara o ile ka gare le go lebelela. O rile, “Ee, ba e amogetše, Billy. O lokologile. O swaretšwe.”

⁴⁹ Oo, nna. Sengwe se kitimetše godimo ga ka. Ke kitimetše ka kamoreng gomme ka swara mosadimogatša wa ka go dikologa molala. Ke rile, “Hani, ke swaretšwe. Ke lokologile. Sekoloto sa kgale se lefilwe. Nka kgona go ya bjale kae kapa kae ke nyakago, kae kapa kae mo Morena a ntlahlelago. Ke lokologile. Oo, a selo go swarelwa, se sengwe nka se kgonego go se thuša.”

⁵⁰ Gomme gape dibe tša ka e be e le se sengwe ke bego nka se kgone go se thuša. Ke tswetšwe ka tlhago ya Adama ka go nna, eupša Yo mongwe o ntshwaretše. Ba phumutše sekoloto sa kgale letšatši le lengwe, gomme ke lokologile go tloga letšatši leo go ya pele. Ke thakgetše kudu.

⁵¹ Ge motho a dirile sebe o tshetše legaga le legolo, goba legaga, a ke re, gare ga gagwe le Modimo. O ikarogantše yenamong go

tloga go Modimo, gomme go be go se tsela e šetšego go yena go tsoge a ya morago. O be ka go felela a le go kgabaganya legaga go tšwa go Modimo a se ne tsela le gannyane morago. Modimo, wa go huma ka kgaogelo, mogau wa go makatša, o amogetše kemedi bakeng sa gagwe, a mo dumelela a dira kemedi, moneelo wa phoofolo go tšea lefelo la gagwe.

⁵² Madi e be e le selo se nnoši se ka kgonago go lefa tefo. Go be go se selo gape se ka kgonago go lefa tefo. Ga bgo selo gape se ka kgonago go dira *nako yeo*, gomme ga go selo gape se dirilego *ge e sa le*, gomme ga go selo gape se ka dirago *ka morago*: Madi gomme Madi a nnoši.

⁵³ Sephetho sa mathomo sa Modimo e bile go swarela motho ka madi a tšholotšwego, gomme Modimo a ka se kgone go dira sephetho sa bobedi kgahlanong le sephetho sa Gagwe sa pele. Ge A dirile, nako yeo sephetho sa Gagwe sa mathomo se be se fošagetše, gomme A ka se be phošo gomme a ba Modimo. Kagona, O ne tsela e tee feela, gomme yeo ke tsela ya Madi. Diphetho tša Gagwe ke tša go phethagala le Gosafelego, gobane Yena ke Modimo. Gomme Lentšu la Gagwe ke la Gosafelego, gomme diphetho tša Gagwe ke Lentšu la Gagwe, gomme Le phethagetše. O ka se kgone go oketša e ka ba eng go Lona goba go tloša e ka ba eng go Lona.

⁵⁴ Ge e sa le go tloga nako yela, leo e bile lefelo le nnoši la Modimo la kopanelo go kopana le motho. Pele ga fao, O kopane le yena ka serapeng sa Edene. Ga go madi a bego a swanetše go ba bohlokwa. Eupša ge e sa le go tloga nako yela, sephetho sa Gagwe e be e le go kopana le motho morago, a lopolotšwe ka Madi. E bile lefelo le nnoši leo kopanelo e ka kgonago go hlokomelwa ke Modimo. Ke lefelo le nnoši leo Modimo a ka kopanaga le modiradibe, gomme bohle re badiradibe ka tlhago. Go tšea sehlabelo sa Madi go re tliša morago ka kopanelong le Kriste gape, ga go tsela ye nngwe, ka go felela ke ka go felela.

⁵⁵ Go tloga go Adama go fihla bjale, motho o lekile go dira kemedi ya gagwe mong. Motho kgafetšakgafetša o lekile go e dira, go tloga go matlakala a mogo go ya go thuto. O lekile go itirela yenamong kemedi. Adama o hlagišitše se se bego se le ka go motho, ge a lekile go dira tsela ya gagwe mong morago ka matlakala a mogo. Ge e sa le go tloga nako yeo, ba agile ditora, ba agile ditoropokgolo, ba agile medingwana, ba agile tlhabologo, ba agile kerekeleina, ba agile mmušo wa saense, le dilo tšohle tše, eupša go le bjalo e dula e swana: ke Madi a nnoši Modimo a tla a amogelago.

⁵⁶ Modimo o amogela feela motho ka Madi a a tšholotšwego. Lefelo le nnoši la kopanelo, tsela e nnoši go kgabaganya legaga lela, ga se ka mokgatlo wa bodumedi, ga se ka medingwana ya maitirelo, ga se ka ditora, ga se ka mafelo a makgethwa, ga

se ka ditoropokgolo, ga se ka e ka ba eng gape eupša Madi a tšholotšwego. Gomme yeo ke tsela e nnoši morago.

57 Thero ya sefapano, le ge e le bjalo, e nyaditšwe bjalo ka ge e le, ke tsela ye e filwego ke Modimo bakeng sa badiradibe go tla le go kopanela le Modimo goba seng sa bona. Nnete.

58 Gohle go kgabola mengwaga, baloki ba phetše ka sephetho sela sa Modimo. Baloki ga ba tsoge ba phegišana ka e ka ba eng. Baloki ba loketše go amogela sephetho sa Modimo. Ga a nyake go itirela e ka ba eng yenamong. O no ba le kgahlego ka go Modimo, gomme o nyaka go dula le sephetho sa Modimo. Gomme baloki ba phela ka sona, ka mehla ba dirile, ka gore ke tsela ye baloki ba swanetšego go phela ka yona. Go leka go dira e ka ba eng go sona, go lahlela e ka ba eng ka go sona, e tla ba goseloke, gobane e tla ba kgahlanong le lenaneo leo Modimo a re beetšego ntle go kopanela ka lona: ke ka Madi a tšholotšwego.

59 Jobo, mopatriaka, ka fao Jobo. . . Ke a dumela Puku ya Jobo e ngwadilwe pele Moshe a ngwala Genesi, ke kwešišo ya ka, puku ya kgalekgale ka Beibeleng. Jobo, ge a amogetše madi, gomme le ge, ge baagišani ba gagwe, le maloko a gagwe a kereke ya gagwe ba lekile go mo ahlola, gomme ba rile o dirile sebe sephiring, efela Jobo o tsebile gore o be a eme go tia, gobane o be a dirile se Jehofa a nyakilego se dirwa. O tsebile gore o be a neetše sehlabelo sa gagwe ka tlhokofalo ya pelo ya gagwe.

60 Abraham le yena o rapetše ka tlase ga madi. Lefelo le nnoši la Israele la kopano le Modimo le be le le ka tlase ga madi a tšholotšwego. Ga go felo gape e bego e ka dirwa. Thapelo e neetšwe, ditebogo di filwe, goba e ka ba eng, e be e le ka tlase ga madi a tšholotšwego a phoofolo. Lefelo le nnoši leo topollo e ka kgonago go tla, goba e ka tsogego ya gogelwa ka kopanelong le Modimo, ke ka Madi a tšholotšwego.

61 Ke elelwa ke rera ka seo, bošego bjo bongwe, lefelong la Oral Roberts. Gomme rabi, rabi wa Mojuda, ke rerile ka merapapitsi ye šupago ya sethole se sehubedu, gomme e mo makaditše, gomme o tllile, a bolela ka yona. Hlokomelang. Ge modiradibe a etla tabarenekeleng, merapapitsi yela ye šupago ya madi e emetše gore o swanetše go tseba gore se sengwe se hwile gomme se ile pele ga gagwe go lokiša tsela.

62 Gomme monna yo a yago go tsoge a ba le kopanelo le Modimo o swanetše go lemoga Madi a Jesu Kriste, go tsebeng gore O hwile go dira seloba bakeng sa dibe tša gagwe, go dira tsela go tsena ka kopanelong le Modimo gape. O swanetše go e lemoga; o swanetše.

63 Modimo o kopane le motho ka tlase ga Madi a tšholotšwego gomme ga go felo gape. Ga go kgathale re leka bontši gakaakang go e dira, “Gabotse, ke wa *se sengwe gape*, le *se sengwe gape*,” seo...seo se ka se šome. Ke feela Madi a tšholotšwego, ao Modimo a kopanago le morapedi.

⁶⁴ Modimo, wa go tlala ka kgaogelo le mogau, ge motho a dirile sebe, bjalo ka ge ke boletše, o tšere kemedi, phoofolo. A re eleletšeng motsotso feela. A re eleletšeng Mojuda wa go hlokofala ka kgonthe morago ka go Testamente ya Kgale. O a lemoga o tšwele kopanelong ge feela go se ne madi bakeng sa gagwe. Bjale, o tšea ya kgonthe ye botse phoofolo ye e hlaotšwego go tšwa mohlapeng wa gagwe. E swanetše go ba phoofolo ye botse ka kgonthe. E ka se kgone go ba phoofolo ye e swaeditšwego, gobane moprista o swanetše go e lekola pele. Gomme e swanetše go ba, godimo ga moneelo wa sebe, kwana ye e se nago bosodi e swanetše go bolokwa le go lekwa, ke moneelo wa sebe, boka Jesu a lekilwe ka go dilo tšohle.

⁶⁵ Eupša moprista yo . . . A e ya a sepela go theoga tsela, Mojuda a tliša moneelo wa sebe sa gagwe, a tliša moneelo wa gagwe bakeng sa sebe sa gagwe, gomme o o neela go moprista wa gagwe ka tlhokofalo yohle. O a lemoga o dirile sebe. Gomme o a tseba o phošo. Gomme o tšea phoofolo ye, a e neela go moprista. Ka gona ge a dira seo, o bea diatla tša gagwe godimo ga sehlabelo. O dira eng? O ikgokaganya ka boyena le sehlabelo sa gagwe. Le tseba se ke se rago? Ka gona madi a a tšhollwa, gomme monna, Mojuda, o kgona go sepela a tloga a ikwela a lokafaditšwe, ka gore o kgotsofaditše dinyakwa tša Jehofa.

⁶⁶ Gomme tsela e nnoši yeo Mokriste, lehono, a ka tsogego a lebalelwa dibe tša gagwe ka nepagala ke go sepelela Khalibari le Sehlabelo sa gagwe, a ikgokaganya yenamong le Yena, gomme morago a amogela Madi a a tšholotšwego. Ga go thutotumelo lefaseng e ka kgonago go dira seo. Ga go tshepedišo ya thuto lefaseng e ka kgonago go se dira. Ga go tsela ya saense e ka kgonago go e dira. E tla feela ka go amogela Madi a tšholotšwego, Kemedi ya gagwe.

⁶⁷ Bjale, o a tloga, se se dirilwe, o dirile taelo ya Jehofa, kafao o tloga a ikwela go lokafatšwa, gobane o arabile kgopelo ya Jehofa. O dirile se Jehofa a rilego a dire. Ka gona o ikwela gore o, ka tumelo, o tšere Modimo Lentšung la Gagwe, gomme bjale, theetšang sekgauswi bjale, o tšere Modimo Lentšung la Gagwe, o be a hlokofetše go direng se a se dirilego, o se dirile ka tlhokofalo ka . . . ka Lentšu, ga go kgathale ke mang a mo segilego, o se dirile go le bjalo, gobane e be e le senyakwa sa Modimo, gomme bjale, seo se be se makatša, gore o tsebile o be a lokafaditšwe. O be a kgona go ikwela ka tsela yeo gobane o be a kgotsofaditše dinyakwa tša Jehofa, leo e be e tla ba Lentšu, o kgotsofaditše dinyakwa tša se Lentšu la Modimo le mo nyakilego go se dira bakeng sa tokafatšo ya gagwe.

⁶⁸ Mafelelong . . . Bjale, go be go makatša le go thoma. Eupša mafelelong, e bile motlwae wa lapa. Ke na le nnete le tseba se ke se rago. O ile . . . Mojuda o be a tla ya go neela sehlabelo sa gagwe feela ka lebaka la seo, gabotse, lapa le se dirile, gomme gabotse, e be e le motlwae. Gomme ge a sepeletše godimo, o rile, “Ema

motsotso. Ke a dumela ke dirile sebe. Ke a bona. Seo se lokile. Gabotse, ke tla ikhweletša kwana, ka ya godimo gomme . . .”

⁶⁹ Le a bona, go be go se manyami a bomodimo bakeng sa sebe sa gagwe. E be e no ba tirelotlwaelo, feela sebopego sa selomodiro sa go tšea phoofolo ya gagwe bakeng sa moneelo. Ga se a tsoge a hwetša selo go tšwa go yona, gobane ga se a tsoge a bea selo ka go yona. Efela, o be a obamela thomo ya Modimo ka Lentšu la Gagwe, eupša ga se a tla ka tlhaloso ya kgonthe ya Lentšu la Gagwe. O be a e obamela bokgole bjo e lego motheong, o e obametše, eupša ka tlhokofalo, ga se a e obamela. Ka fao, e be e no ba tirelotlwaelo, e latela motlwae.

⁷⁰ Gomme a nka ema fa motsotso? A le bona se ke se toutago mosegare ka morago ga mosegare le bošego ka morago ga bošego? Ga se gore ke na le e ka ba eng kgahlanong le Mamethodist, Mabaptist, Presbyterian, goba dikerekemaina. Ke ka gobane le lahlegetšwe ke tlhokofalo yela, *se sengwe* sela le swanetšego go ba le sona ka thapelong ya lena. E no ba motlwae wa lapa.

Ge re etla kerekeng, gomme o re, “A o dumela go go tswalwa gape?”

“Ya, nnete, uh-huh, ya.”

“O dumela go ma—ma madi a . . .”

“Oo, nnete, nnete, nnete, nnete, ke e amogetše.”

⁷¹ Le a bona? Ga go selo sa go hlokofala ka yona. Ge a eya go dira moneelo wa gagwe wa sebe le go tšea selalelo, o no se tšea ka tsela e ka ba efe, ge eba o a kgoga, o a nwa, o kitima le mosadimogatša wa yo mongwe gape, goba—goba basadi ba dira ka tsela e ka ba efe. Gomme ba ya go tšea selalelo sela. Mola, a le a lemoga gore Beibele e re, “Ge motho a eja nama ye gomme a nwa Madi a a sa swanela, o na le molato wa mmele le Madi a Morena”? Re lahlegetšwe ke tlhokofalo. Go na le se sengwe sa phošo ka rena. Mokete wa rena wa go hlomphega ga o swane le ge o be o le.

⁷² Se se ka no ba maleba go nako ye. Go na le *se sengwe gape* seo ebilego re ka se dule re tsogile, le gannyane, ka the—the thero. Gomme ge e le . . . ga e fa ka tsela yeo, eupša ka mafelong a mantši, yo mongwe ka mehla o gogela godimo ga mosela wa jase ya ka, “Hei, hei, hei. Re swanetše go dira bjalo le bjalo.” E ka ba eng se bohlokwa kudu go feta go ya pele ga Lentšu la Modimo? Seo ke se ke se nagannego ka dilo.

⁷³ Dikopano tša mokgotheng tšeo di bego di fela, moreri wa fešene ya kgale a eme fale, le go rera go fihla madi le mphufutšo, bjalo ka ge go bile, di kitimela tlase ka dieteng tša gagwe. Go ba le kopano ya mokgotheng lehono, ke moopelo wo montši, bontši bja se sengwe gape. Gomme ngwanešu, yo mongwe o leka go etapele ka thapelo, le go rapelela mopresitente, le yo mongwe le yo mongwe gape, le go ya go e kgabola lebaka la e ka ba iri,

batho ba šetše ba sepetše. Lentšu ke kgwekgwe ya selo, Lentšu. Eupša re lahlegetšwe ke kgahlego. Dinako tše dingwe. . .

⁷⁴ Ke leboga mabopaki. Ke leboga mmimo, le dilo tšeo tšohle. Eupša yeo ga se yona. Go tšea thero ya sefapano. Go tšea lebollo la Moya go tliša bophelo. Fao ke mo tlhokofalo ya rena e tlogilego. E bile nako ye re hlokometšego tlhokofalo ye kgolo. Ge monna a tseba gore ke phošo go dilo tše go khukhunela ka kerekeng ya gagwe, gomme gona o se ba botše ka yona? Tlhokofalo yela ya go teba e kae?

Modiredi o mpoditše, o rile, “O ya go lahlegelwa ke bodiredi bja gago.”

⁷⁵ Ke rile, “Modimo o mphile bodiredi bjo. Gomme ge Lentšu la Modimo, go rera Leo, go ntira ke lahlegelwe ke bjona, gona ke fošitše sekepe felotsoko. Modimo o tla hlompha Lentšu la Gagwe, O Le letile.”

⁷⁶ Bjale, tlhokofalo. Ga re nayo. E bonala e le kgahlego ye nnyane kudu. E swanetše go ba ka nako ya megobo ye, gonabjale, morago ga ge re tseba gomme re na le nnete ya dilo tše, e swanetše go ba gore Shreveport e tla be e bobola bjalo ka saga ya go bobola. Kgolego e swanetše go be e tletše, e lekeletše ntle ka mafastere, e rera Ebangedi. Dikhona tša mekgotha di swanetše go tlala ka banna le basadi ba paka go maatla a Modimo.

⁷⁷ Efela, re a e dumela, re a bolela. Eupša re lahlegetšwe ke tlhokofalo le mafolofolo gore ke go E amogela. Bjale, yeo ke therešo. Yeo ke tlwa. Gomme re ka se tsoge ra tla morago go fihla re etla tlase go lefelo lela la tebogo ya Modimo a re diretšego tsela, gomme morago a re biletša ka go yona, le go e hlatsela go rena ka Moya wa Gagwe le ka Lentšu la Gagwe, netefatšo yela re nago nayo.

⁷⁸ A kotsi e lego yona go bona dikereke ka seemong se. E sego gore ke ne e ka ba eng kgahlanong le dikereke, eupša le bona se ke se rago. Bjale, ga go manyami, feela sebopego sa selomodiro.

⁷⁹ Gomme efela, Israele e be e šomiša Lentšu le taelo ya Modimo. Gomme dikereke lehono di tšea dilo go tšwa Beibeleng. Eupša ga go na tlhokofalo ka yona.

⁸⁰ Gomme ge Israele e thoma go tšea Lentšu le Melao ya Modimo, le go e dira tirelotlwaelo, seo ga se sa thabiša Jehofa, Mofi wa Lona. E bile ka nako yeo ge ba dirile Lentšu la Modimo tirelotlwaelo, yeo moprofeta yo maatla yola Jesaya a bonagetšego mo lefelongtiragalo. E baleng, Jesaya 1. O rometšwe go Israele. Ba mo hloile gomme mafelelong ba mo ripaganya diripana.

⁸¹ Eupša o dirile eng? O ba hlobotše thoso. O rile, “Mekete ya lena ya go hlomphega Modimo o e ganne.” O rile, “E fetogile monkgo ka dinkong tša Gagwe.” E be e le eng? Mokete wo Modimo a ba beetšego wona, dikgwedi tše mpsha, le Sabatha, le

meneelo ya meneelo ya sebe, le go ya pele yeo Modimo a e filego Israele, ba be ba dirile motlwae go tšwa go yona. Yeo ke nnete.

⁸² Oo, kereke, a le bona se se dirago pelo ya modiredi go robega? Ge Pentecost ye A re filego yona, re dirile motlwae go tšwa go yona. Tlhokofalo e nyamaletše go tšwa kerekeng. Oo, ga ke re yohle ya yona, lebogang Modimo. E be e se yohle ya yona e ilego nako yeo, eupša bontši. Tlhokofalo e ile. Batho ga ba sa kgona go e theetša gape. Ga ba nyake go e kwa. Bokaone ba hwetše yo mongwe yoo a nago le go natha go gontši. Ga ba e nyake. Gabotse, feela bjalo ka ge go bile nako yela, go bjalo le bjale.

⁸³ Eupša Modimo o ba rometše Jesaya, gomme ga se a goga matswele. Gomme o ba boditše se ba se dirilego. Balang Jesaya 1, ge le eya gae. Theetšang moprofeta yola a rera yeo. O ba boditše gore e be e le monkgo. Ka mantšu a mangwe, Modimo o be a sa nyake sehlabelo sa bona sa go nkga, sehlabelo seo ba . . . Ba dirile eng? Ba tšhilafaditše sehlabelo sa bona. Ba be ba se tšhilafaditše, ka gore ba tsene le sona ntle le tlhokofalo. Ba be ba sa hwetše dipoelo e ka ba dife.

O rile, “Metlwae ya lena . . .” Go tla ka metlwae ya bona go ntšhitše maatla go tšwa go Melao ya Gagwe.

⁸⁴ Bjale, lehono, motlwae wa rena o ntšha maatla go tšwa go thapelo ya rena, ka motlwae wa rena beng. Gomme re re, “Seo se ra Mamethodist le Mabaptist.” Bao ke Mapentecostal. Bao ke rena bohle mmogo. Motlwae wa lena o lahlegetšwe ke maatla a wona, e sego ka baka la gore ga se la ke la e dira. Ya.

⁸⁵ Ba re, “Jesu o rile, ‘Yo a dumelago, a kolobetšwe, o tla phološwa.’” Yeo ke nnete. Eupša re dirile motlwae go tšwa go yona. Di a nkga pele ga Gagwe. Le bona lebaka: morapedi a etla, a e dira, o e dirile feela bjalo ka sebopego.

Gomme re molato wa go dira selo sa go swana. Re dira sebopego go tšwa go yona, efela ke taelo ya Modimo.

⁸⁶ Go swana le, feela kgauswana, ge mesepelo ya rena e thomile, gomme Modimo a thoma go oketša se sengwe go wona, gomme re tlogile le wona, re dirile motlwae go tšwa go wona, gomme o lahlegetšwe ke maatla a wona. Sebakeng sa go tliša boena mmogo, o arogantše boena. Le e dira dinako tše dingwe feela bakeng sa motlwae, ntle le tlhokofalo ya wona. Le swanetše go tsena mokete wa Modimo ka tlhokofalo.

⁸⁷ Ga go tlhokofalo ya kgonthe, ga go manyami a kgonthe bakeng sa dibe, batho ba tla godimo, aletareng, gomme ba bantši ba bona ba tšea mmimo wo montši, go bina mo gonnyane, go phaphatha diatla, mohlomongwe ba kitimela godimo le fase mokgobeng, gomme mohlomongwe ba no bolela ka maleme.

⁸⁸ Bjale, ke dumela go go bolelang ka maleme; ke dumela go kitimeng godimo le tlase mekgobeng; ke dumela go go phaphatha diatla. Eupša ge go se maikutlo tsoko morago kua, ge go na le

tlhokofalo gore Jesu Kriste o go hlwekišitše, e sego go e dira gobane Mohumagatšana Jones o e dirile, eupša go e dira gobane go ne se sengwe ka go wena se rethethago, manyami bakeng sa dibe tša gago, le thabo ya phenyo ye o e abelanago ka go tsogo ya sehlabelo sa gago, bohlatse bja tšhireletšo ya gago ya Gosafelego. O ka se hlokofole bjang ka go seo?

⁸⁹ Gomme ke a dumela motho a ka goelesa gomme a se a phološwa. Ke a dumela a ka kitima gomme a se a phološwa. Ke a dumela a ka bolela ka maleme gomme a se a phološwa. Ke a dumela a ka dira e ka ba efe ya dilo tše gomme a se a phološwa. Eupša o ka se kgone go bea yo mongwe le yo mongwe yo a dirago seo, bjale.

Lehlakore le lengwe le re, “Ga go selo go e ka ba efe ya sona.”

⁹⁰ Eupša go na le yo mongwe yo a hlokofetšego ka go seo. Go na le yo mongwe o hweditše dipoelo tša mmopale, gobane o e tsene ka tlhokofalo godimo ga motheo wa tumelo ya gagwe ka go Madi a tšholotšwego. Gomme o hweditše selo sa maleba.

⁹¹ Eupša yo mongwe o no ba a kwera. Gomme go na le go kwera go gontši kudu go kgatlampanago, kekišo ye ntši kudu, dikekišo tša senama, dipapetšo tša senama.

⁹² Ge o ka tla o nyaka Moya wo Mokgethwa, gomme wa Mo dumelela, tumelo ye o nago nayo ka go Yena, oketša bokwala go yeo, gomme go bjoo lerato lela la boena (Petro wa Bobedi 1:7), go fihla o agilwe ka leemo le le tletšego la Kriste, gona selo sa mafelelo ke lerato, e lego Modimo, Moya wo Mokgethwa, o go tswalelela go bofihlo bja gago.

⁹³ O ka se kgone go ekiša. O ka kgona go e ekiša, eupša bjalo ka ge ke boletše bošegong bja go feta, go no swana le—the nonyana ye ntsho e bea mafofa a phikoko ka diphegong tša gagwe le go re, “Le a bona, ke nna phikoko.” O nno a oketša, e a kgoromeleditše ka gare. Ge go na le se sengwe ka gare ga gagwe, se mo dirile gore a a kgoromeletše ka ntle, gabotse o be a tla ba phikoko. Nnete. Eupša batho ba bangwe ba leka go dira se sengwe go lebegga boka yo mongwe gape, goba go ekiša yo mongwe gape, ka gore ba be ba gopola gore *ba* e dirile. Gomme le bona se e se dirago? E re tliša morago ka go tirelotlwaelo le sebopego gape. Ke Madi, Bophelo bjo bo tlabakelago ka mohlaggase le go hlwekiša bophelo bja gago. Yeo ke nnete.

⁹⁴ Jesaya o e tšholotše go bona le go re, “Modimo o boletše gore O uta sefahlego sa Gagwe go tloga go dithapelo tša lena. Le na le sebopego sa lena sa selomodiro, efela ke therešo. Le dira se A le boditšego, eupša ga le se dire ka tlhokofalo. Gomme le gowa mosegare le bošego, eupša Modimo o rile, ‘Sehlabelo sa lena se a nkga go Nna, gomme Nka se sa se amogela gape. Gomme ge le rapela ka fase ga maemo a mabjalo, Ke tla uta sefahlego sa Ka go tloga go lena.’”

Oo, Modimo, ge batho ba ka nagana ka seo, go tla thoma Pentecost.

⁹⁵ Modimo o rile le ge le ka nepagala ka go Lentšu, eupša ge le sa e dire ka lerato le tlhokofalo, Modimo o rile O tla uta sefahlego sa Gagwe, gomme a se kwe dithapelo tša lena. Le a bona? Yeo ke tsela.

⁹⁶ “Oo,” o rile, “Yeo, o e tšea ka tlase ga Testamente ya Kgale, Ngwanešu Branham.” Go lokile. A re tšeeng Testamente ye Mpsa, Timotheo wa Bobedi 3. Moya wo Mokgethwa o re seboditše gore ka matšatšing a mafelelo gore kereke e tla tloga go tšwa go tlhokofalo le tumelo. Ba tla ba le sebopego sa bomodimo, eupša ba tla gana maatla ao a ilego le selo sa maleba, “ba na le sebopego sa bomodimo, eupša ba gana maatla a bjona.” Ee, mohlomphegi.

⁹⁷ Modimo o hloile bodumedi bja go hloka maatla. Gomme bodumedi e ka ba bofe lehono bjo bo se nago Kriste ka go bjona, ga bo ne maatla. Eupša bodumedi e ka ba bofe bjo Kriste a lego ka go bjona, bo ka tlase ga Madi a Gagwe mong, gomme bo na le maatla ka go bjona. O re Modimo o hloile bodumedi bja go se be le maatla? O rile, “Mokete wa lena wa go hlomphega o a nkgā.” Mmm. Ke a thanka O o hloile. O rile, “O—o Ntira ke sellege.”

⁹⁸ Gomme elelwang, O boditše kereke ye ya go huma ya Laodikia gore “Gobane o bolelo, wena, ka mantšu a mangwe, o Ntira ke sellege, Ke tla go tshwa go tšwa molomong wa Ka.” Gomme re tlile go lebaka leo.

Modimo, re romele Jesaya go ripa selo diripana, go se bea ntle pele ga batho: go goelela; o se botaetše.

Le nagana o be a tla amogelwa? Ka kgonthe aowa. Mmm. Eupša o be a tla goelela feela go swana. Mekete ya go hlomphega, e a nkgā.

⁹⁹ Modimo o hloile bodumedi bja go hloka maatla. Bo swanetše go ba le maatla ka go bjona. Bo swanetše go ba le tlhokofalo. Tlhokofalo e tliša maatla. Tlhokofalo e tliša borapedi bja kgonthe, e sego dibopego, eupša borapedi bja mmapale bja maatla go tseba gore o fetile go tšwa lehung go ya Bophelong.

¹⁰⁰ Modimo o nyaka go diragatša Lentšu la Gagwe ka maatla a Gagwe. Gomme ge kereke e gana maatla a Gagwe, A ka kgona bjang go diragatša le go hlatsela Lentšu la Gagwe, ge kereke e le hlalosa bošaedi gomme e re ke la letšatši le lengwe, le selo se sengwe, Modimo a ka kgona bjang, Yo a nyakago go—go phethagatša Lentšu la Gagwe, le go diragatša Lentšu la Gagwe magareng ga batho, gomme batho ba gana gore O a e dira? Efela, ba ya go kgabola ditirelotlwaelo tšohle. Le a bona?

¹⁰¹ Sese se se diregilego: Modimo o nyaka go diragatša ka Moya wo Mokgethwa, le go hlatsela Lentšu la Gagwe. Gomme kereke e nyaka go diragatša, ba swanetše go gana Moya wo Mokgethwa,

ba nyaka go diragatša go dira mokgatlo wo mogolo, le eng gape? Go tliša boleloko, ga go kgathale eng: o swanetše go kolobetša badiradibe, matagwa, digatamoroko, e ka ba eng gape, le go ba tšeela ka mmeleng wa kereke. Ga go makatše Kutollo 17 e rile mosadi yo wa mmalegogwana wa kgale, yoo a bilego le sehlopha sa barwedi, gore o be a tletše maina, goba, maina a go rogana, dikereke, barwedi ba gagwe, di bitša maina a barwedi ba gagwe.

¹⁰² Batho ba ba tšoenago dikereke le go bitša seo “go hwetša phološo,” ke maroga. Bjale, ke a tseba King James fa e rile, “maina a maroga,” eupša lebelelang ka go Diaglott, gomme le bone ge eba ke yona. E re, “maina a go Rogana.” Ke phapano kudu. O tletše ka ao. O na le mekgatlo ye makgolosenyane le metšo ya go fapana ka go yena, maina a mantši a go rogana. O tlogile, ka metlwae ya madirwakemotho, o tlogile go tšwa go thapelo ya therešo, maatla go tšwa go . . .

¹⁰³ Oo, o re, “Ke ile tlase kua, gomme go be go le maatla a mantši. Ngwanešu, lebato ka moka le be le bina ka Moya,” gomme go se tumelo ya go lekanela go fodiša bohloko bja leino. Um-hum, um-hum. O bitša seo maatla? Ao ga se maatla. Tšeo ke ditšhegofatšo. Go na le phapano ye ntši gare ga ditšhegofatšo le maatla. Um-hum. Modimo o dira ditšhegofatšo tša Gagwe godimo ga baloki le ba ba sa lokago. Letšatši le a phadima gomme . . . Le a bona? Re swanetše go boela morago go therešo, bagwera. Re swanetše go tla morago go se Modimo a se rago. Se A se bolelago, O a se ra. Le a bona? Gomme O ganne tša bona, gatee, a uta sefahlego sa Gagwe go tloga dithapelong tša bona.

Gomme lebelelang, bagwera. Ge Modimo a se a tsebafa mohlare wa setlogo wo o dirilego seo, go reng ka mohlare wo o hlomeseditšwego?

¹⁰⁴ Re swanetše go hlokofera. Re swanetše go dira dilo tše gabotse. Modimo o nyaka go diragatša le go tliša pele Moya wo Mokgethwa go šoma ka kerekeng ya Gagwe. Kereke e nyaka go diragatša le go tliša pele dithutotumelo tša yona go dira maloko. Yeo ke phapano.

¹⁰⁵ Go dira sa pele, Modimo o nyaka go romela Moya wo Mokgethwa, e bego e le Moetapele wa kereke; O swanetše go dira seo. Gomme tsela e nnoši batho ba ka tlogelago go e dira, ke go O gana. Gomme ge o O gana, o tšea maatla go tšwa go go šoma. Kafao e go tlogela o le legapi la go hwa. “Lentšu le a bolaya, Moya o fa bophelo.” Um-hum. Yeo ke nnete.

¹⁰⁶ Boka entšene e dutše seporong, letorokisi lohle le pholetšhitšwe gohle, gomme batho ba go apara bokaone ba dutše ka go lona, gomme go se mušimeetse ka go entšene. Ke botse bofe selo se lego go le bjalo? Um-hum.

¹⁰⁷ Dibeke di se kae tša go feta ke bile, e ka ba dikgwedi tše seswai tša go feta, goba bontši gannyane, ke bone pono bošego bjo bongwe ya baisa ba babedi, yo motee ka pareng e tee, gomme

yo motee ka go ye nngwe, gomme ba baka seng sa bona go phuthego ya bona ye ba bego ba bolela le yona. Mafelelong, ba kopane ka New York bogareng bja mokgotha, ba epile molete, boka, ba tsene ka fale, gomme yo motee o bolaile yo mongwe. Ke rile, “Yo mongwe o ya go bolawa.” Ba be ba le ba bakaone, ba batelele, masogana. E ka ba kgwedi morago ga fao, bona ba lwela sefoka ba babedi ba lwetše motsoto, gomme yo motee o bolaile yo mongwe.

¹⁰⁸ Ke dutše godimo ka Colorado dikgwedi di se kae tša go feta ka—ka ntlong ye nnyane ya dikota, ke ile gomme ka re go morwa wa ka, mosadimogatša wa ka, ngwetši ya ka, le bona: “Diiri tše mmalwa tša go feta se sengwe se diregile. Ke bone mohumagadi yo moswa, mosadi yo mobotse, gomme o be a na le mohuta wa dipounama tše koto, go lebega o ka re ke be ke mmone felotsoko. Gomme o—o be a leka go ya go ngaka, gomme o hwile. Gomme Moya wo o bego o bolela le nna, o rile, ‘Bjale, ba tla bolela gore o ipolaile, eupša o hwile ka tlhaselo ya pelo.’ Gomme o rile, ‘E no ba gannyane pele ga nne, eupša o ka re e be e le iri ya bone,’ gomme pono e ntlogetše.” Ke ba boditše, “Seo se be se era eng?” Ke be ke sa tsebe. “Yo mongwe o lokišetša go hwa.”

¹⁰⁹ Ge re etšwa ka dithabeng matšatši a mabedi moragwana, naletšana yela ya mobi (Leina la mosadi yola ke mang?), Marilyn Monroe, o be a le mohuta wa mmaletasa, goba—goba, le badile kanegelo ya gagwe. O be a le ngwana wa hlaba. Mmagwe o ka lefelong la digaswi. Mosetsana yo monnyane wa go šokiša mohlomongwe o bile le tsela ye thata. Gomme ka mehla o be a swerwe ke tlala bakeng sa se sengwe. Ke duma nkabe ke ile go yena. Ke tseba se a bego a se hloka. Ke tsebile se a se hlokilego. Efela o be a tšoenne dikereke le se sengwe le se sengwe. Eupša le a bona, e no ba sebopego sa selomodiro. O be a hloka tirišo ya Madi. Le a bona?

¹¹⁰ Bjale, ke a thanka ga go mothekgi wa tša thobalano ka nageng eupša yo a mo tsebilego le go ba le seswantšho sa gagwe. O be a swanetše, mosadi wa go agega ka phethagalo kudukudu, bjalo ka ge ke kwešišitše, a bego a le ka lefaseng. Eupša ge sebopego sela e le se segolo kudu, gona šetšang: Ge bophelo bo tšwetše ka ntle ga mmele wa gagwe, ba ile ba swanela go mo fa nomoro go robala ka kamoreng. Gomme ga go yo a kilego a tleleima mmele wa gagwe.

Kafao karolo ye bohlokwa ke efe? Soulo goba mmele? Le a bona, re swanetše go hlokofala ka go dilo tše. Modimo o a nyaka. E swanetše go tla.

¹¹¹ Hlokomelang. Bjale, kafao go gana Moya wo Mokgethwa, ba amogetše lehlakore le fomale la yona, ba na le sebopego sa bomodimo eupša ba gana maatla a bjona. Ba bušetša mehuta yohle ya dithutotumelo tša baapostola, le se sengwe le se sengwe boka seo, le bontši bja Lentšu le tswakilwe ka go yona, le bontši

bjo e sego Lentšu, gomme ka gona bona, Lentšu la Modimo, ke ra, gomme morago ba dira dilo tše tšohle, gomme efela, e ya go kgabola ye fomale, taba ya selomodiro. Ga go maatla go yona. E hwile. E no ba legapi, go swana le mmele wa mosetsana yola. Bophelo bo tšwetše ka ntle ga wona, o be o sa hole nako yeo. Ga go yo a bego a o nyaka. Bophelo bo be bo ile. Le a bona?

¹¹² Ke bophelo bjo bo rago se sengwe. Ga go kgathale o kgoboketša bontši gakaakang ka lefaseng le, ke dikereke tše dintši gakaakang o lego wa tšona, go reng ka soulo yela ya gago? Go reng ka bophelo bjola bo lego ka go wena? A bo lokile le Modimo? Gomme bo ka kgona feela go loka ka go amogela tokišetšo ye kgolo yela ye Modimo a e dirilego go tliša batho go kgabaganya legaga lela go ya go Yenamong. Ao ke Madi a Jesu Kriste. Ga go thutotumelo e tla dirago leporogo tselo; ga go kerekeleina e tla e dirago. Ga go thuto, ga go rasaense, ga go selo gape eupša Madi a Jesu Kriste ke selo se nnoši seo se tla e dirago leporogo.

¹¹³ Bjale, morago ga ge Jesaya a boditše Israele ba tšhilafaditše kemedi ya bona ka metlwae, gomme a e netefaditše go bona, gomme Modimo o ganne dithapelo tša bona. . . Jesaya o be a le moprofeta wa bona, mmotši wa bona, gobane sehlabelo sela se ile feela go Israele. Eupša ka morago ga fao, go tšweletše moprofeta yo mongwe yo mogolo lefelongtiragalo, gomme leina la gagwe e be e le Johane. Re mo tseba bjalo ka Johane Mokolobetši. Gomme ga se a šupetša Israele e nnoši, eupša moloko wohle wa Adama, go Kwana ye e tšerego dibe tša lefase.

Ba tšhilafaditše letšatši lela goba lebaka, go se hlokofale ga bona le tiro ye fomale, Modimo o phumotše selo.

¹¹⁴ Morago O rometše moprofeta yo mongwe go tsebiša lebaka le lengwe le Kwana ye nngwe. Yeo e be e le Kwana ya Modimo bakeng sa moloko ohle wa Adama, yeo e tlošago sebe sa lefase. Ka pela Kwana yela e ile ya kokotelwa go sefapanoaletara sa Gagwe. O ile a kokotelwa godimo kua godimo Khalibari. Bakeng sa eng? Tshwarelo ya dibe, e sego feela Mojuda, eupša bakeng sa e ka ba mang a ratago.

¹¹⁵ Madi a Jesu Kriste, Morwa wa Modimo, a hlwekiša go tšwa go sebe sohle. Ga go kgathale ke dithutotumelo tše kae re di retago, e sa swanetše go ba Madi a a dirišitšwego go tloša sebe. Gomme o a šomiša ka tumelo go Lentšu, ka go dumela gore Le bjalo; gomme ka gona o a tseba gore O arabela morago go wena, gomme o a Mo tseba, o a Mo tseba gobane o latetše Lentšu la Gagwe ka tlhokofalo.

¹¹⁶ Bjale, ge e ka ba mang wa lena, goba motho e ka ba mang e ka ba kae, a kilego a ikwela morwalo wa sebe sa gagwe, re ne Kwana. A re se tšhilafatšeng lenaneo leo. Ke Kwana ye e tlošago sebe sa lefase. Ke peelo e nnoši yeo Modimo a nago le yona bakeng sa

banna ba dibe, yo ke lego, gomme le lena le lego, le basadi ba dibe, bašemane, le basetsana, ke Madi a Jesu Kriste.

117 Re swanetše go tla ka tlhokofalo go Yena, gomme ka tumelo re bee diatla tša rena godimo ga hlogo ya Gagwe ka tumelo, gomme ra ikgokaganya renabeng le Yena, o itšea wenamong go hwa bjale, le go dula fale go fihlela dipelo di etla, go fihla Madi ao a tšholotšwego Khalibari a dirišitšwe go pelo ya gago. Ka gona morwalo o sepetše. “Merwalo ya ka e tokologetše kgole.” Gona o lokologile. Yo Morwa a mo lokolotšego o lokologile ka nnete.

118 Ga go makatše ga re kgone go ba le dilo boka re be re tlwaetše goba—goba re swanetše go ba. Ga se ra tla ka tsela yela ya tlhokofalo yeo Modimo a re filego yona. O ka no. . . Ga re nyake go tšhilafatša seo, le a tseba. E ka se tšhilafatšwe. Le ye nngwe e be e se ya tšhilafatšwa, eupša Modimo o tlošitše go bona.

119 Boka kanegelo ye ke e badilego fa nako ye nngwe ya go feta. Mokapotene wa lewatle wa kgale godimo lewatlang, gomme gabotse o nyakile a phetše bophelo bja gagwe ntle ka sebeng. Eupša gatee, o ile a kwa ka Beibele le Modimo. Gomme o robetše a ehwa, gomme o rile, “A go na le motho yo motee yo a ka kgonago go bolela le nna ka Beibele, goba a go na le Beibele e tee godimo ga sekepe sa ka?” Le a bona, o be a letile nako ye telele, nagana ka seo, eupša Modimo o tletše ka kgaogelo, mogau.

120 Gomme ba hweditše mošemane yo ba bego ba mo topile, godimo ga sekepe, gomme o be a na le Beibele. Gomme o mmoditše, o rile, “Etle ka gare, morwa, gomme o dule fase kgauswi le malao a ka, gomme o mpalele Beibele yeo.”

121 Gomme mohlankana yo moswa o phetlile go Jesaya 53:5, gomme e balega ka mokgwa wo: “O gobaditšwe ka baka la dikarogo tša rena, O tlapirigantšwe ka baka la bokgopo bja rena: tsholo ya khutšo ya rena e be e le godimo ga Gagwe; gomme ka megogoma ya Gagwe re fodišitšwe.”

Mošemane yo monnyane o retologile, gomme o rile, “Mokapotene, mohlomphegi?”

O rile, “Ee, mohlankana?”

122 O rile, “A nke ke e bale ka tsela ye mama wa ka a bego a fela a mpalela yona.” O rile, “Ke go balela ka tsela ye e ngwadilwego ka Beibeleng. Eupša tsela še yeo mama a bego a fela a mpalela yona.”

O rile, “Eya pele, morwa. E bale ka tsela ye mmago a e badilego.”

123 O rile, “Mama o be a fela a mpea godimo ga letolo la gagwe gomme a bala, ‘O gobaditšwe ka baka la bja Willie Pruitt. . . O tlapirigantšwe ka baka la bokgopo bja Willie Pruitt: tsholo ya khutšo ya Willie Pruitt e be e le godimo ga Gagwe; gomme ka megogoma ya Gagwe Willie Pruitt o fodišitšwe.’”

Mokapotene wa go tšofala o rile, “Ke duma nkabe ke bile le mama boka yola.” O rile, “Mohlomongwe leina la ka le ka balwa ka go yona.”

¹²⁴ Mošemane yo monnyane o rile, “Motsotso feela, mokapotene.” O rile, “A nke ke bale leina la gago ka go yona.” O rile, “O gobadišwe bakeng sa phološo ya John Quartz (Amene.), O tlapirigantšwe ka baka la bokgopo bja John Quartz: tsholo ya khutšo ya John Quartz e be e le godimo ga Gagwe; gomme ka megogoma ya Gagwe John Quartz o fodišitšwe.”

Seetša se phadimile godimo ga sefahlego sa mokapotene wa kgale. O rile, “Tswalela Puku, morwa. Ke a e bona.”

¹²⁵ Ge o ka kgona go bala leina la gago ka kua, “O gobadišwe bakeng sa dikarogo tša William Branham, O tlapirigantšwe ka baka la bokgopo bja William Branham,” moo ke ge khutšo e etla. E sego feela gore e be e no ba taba ya bohle; e be e le bakeng sa ka. Ke motho ka motho. Ke be ke akareditšwe ka go yeo. “Ka megogoma ya Gagwe William Branham o fodišitšwe.” Gona go a fapana.

¹²⁶ Go ne selo se tee gape ke tla ratago go bolela ka sona, fa, ka go tshwarelo ya rena. Gomme ke gore, morago ga ge re amogela tshwarelo ya rena, re amogela bohlweki le tshwarelo yeo. Bjale, ge o no dira mo o ka rego o na le tshwarelo, ga o na le bohlweki.

Bjale, o re, “A o ka netefatša seo, Ngwanešu Branham?”

¹²⁷ Marakang se: Bahebere tema ya 9, temana ya 11 go fihla go temana ya 15: “Morapedi ge a hlatswitšwe gatee ga a sa na le letswalo la sebe.” Ge ka kgonthe o swaretšwe, wona molato, yona kganyogo, e go tlogetše. Yohle e ile. Bohlweki bo ya le tshwarelo ya mmapale. Kafao ge re tleleima tshwarelo, gomme re sa ntše re se ra hlweka, re ka kgona bjang go tleleima tshwarelo, ge tshwarelo e hlola bohlweki. Le bona se ke se rago?

¹²⁸ Go hlwekiša eng? Go le hlwekiša go tšwa go eng? Go le hlwekiša go tšwa go kgokagano yohle ya fomale, ya go hwa, mediro ya metlwae. Amene. Go re hlwekiša go tšwa go motlwae wa go hwa. O ka kgona bjang go šala o le ka go motlwae wa go hwa ge o hlwekile go tšwa go wona? Bjale, le bala seo ka go Bahebere 9:11. Bonang ge eba yeo ke nnete. A re hlwekiša go tšwa go tšhila ya go hwa, ye fomale, mediro ge re swaretšwe ka Madi a Jesu, gobane ke maatla a tlhwekišo ao a yago le tshwarelo. Gomme re hlwekišitšwe go tšwa go mediro yohle ya rena ya go hwa.

¹²⁹ Bjale, ge re dira seo, re tla go selalelo ka tsela ya maleba. Re tla go selalelo re Mo gopola, re Mo gopola, Sehlabelo sa rena. Re a Mo gopola, Khutšo ya rena; re a Mo gopola, Bohlweki bja rena; re a Mo gopola, Tlhwekišo ya rena; re a Mo gopola, ge re khunama sefapanong, e sego go tagwa seripa, e sego go phela ka bootsweng, e sego ka bohlwele, lehloyo, le dintwa, eupša re khunama sefapanong ka tumelo, maotong a Gagwe, go

amogela tshwarelo ya Gagwe. Re tla ka leemong leo go selalelo, ka tlhokofalo kudu. E sego go no re, “Ke swanetše go ya.” O ya kua gobane o hlokošetše go teba, ke gare ga lehu le bophelo. Ee, mohlomphegi. O a ya, gomme ga o sa elelwa metlwae ya gago gape, gomme o hlwekišitšwe go tšwa sebeng sa gago.

¹³⁰ Leo ke lefelo le tee. Ge o khunamile kua ka tlhokofalo, ngwanešu wa Methodist, ngwanešu wa Baptist, Ngwanešu wa Mooneness, ngwanešu wa Motwoneess, goba ngwanešu wa Mothreeness, ge o khunamile kua ka tlhokofalo, metlwae ya gago e ile. Yeo ke nnete. Thrinithi, Oneness, Mabaptist, bohle ba a hlwekišwa gomme ke barwa ba Modimo. Metlwae le go ngangana go fedile. Ga o sa nagana ka yona gape gobane o hlwekile le go hlweka. Le a bona? Le barwarre. Ga go kgathale se motlwae tsoko o se boletšego, “Le se be le selo go dira le yona.” Le mo sefapanong sa go swana, ke mothopo wa go swana. Le barwarre ba madi. Oo, nna.

¹³¹ Seo ke se ke se phegeletšego. Seo ke se ke se lekilego. Ga se, ke ne e ka ba eng kgahlanong le Mabaptist, Mamethodist. Ke tshepedišo ya tšona dilo yeo e swarago baena ba rena ba arogane. Ke motlwae wa gore ba tšere Lentšu la Modimo gomme ba Le fetolela go ba motlwae, ba re, “Re dumela go tlhwekišo ya Madi.” Gomme morago ba bitša monna “mopshikologimokgethwa,” gomme ba se be le selo go dira le yena? Ngwanešu?

¹³² Ge motho a etla Khalibari mo leotong la sefapano, a gopola Jesu o hwile go mo phološa, gomme ka tumelo a ikgokaganya yenamong le yona, gomme ngwanešu šo o eme fa, ga le šetše maswao a lefase, mmala, thutotumelo, goba selo gape. Ke ngwanešu. Ee, mohlomphegi. Metlwae le dikgogakgogano di fedile. Le ka kgona go kopanela.

¹³³ Tsela še, gomme tsela e nnoši o ka kgonago go swarelwa. Tsela e nnoši o ka kgonago go tla ke ka sefapano ka Madi. Gomme ge le dira seo, metlwae le mediro ya go hwa, le hlwekišitšwe go tšwa go yona. Go bile . . .

¹³⁴ Nka se kgone go dira yo mongwe le yo mongwe go ba Mobaptist. Ge nkabe ke be ke le Momethodist, ke be nka se kgone go ba dira bohle go ba Methodist. Ge ke be ke le monna wa mokgatlo wa Pentecostal, ke be nka se kgone go ba dira bohle go ba Maoneness, goba go se kgone go ba dira bohle go ba Thrinithi, goba Church of God, goba eng gape. Aowa, mohlomphegi. Ba ka se e dire.

¹³⁵ Eupša selo se tee sese, gomme tumelo ya ka go se direng, ke go dira batho bohle banešu ka Madi a tšholotšwego a Jesu Kriste, moo bohle re ka kgonago go kopana go sefapano sa go swana, go gopola Sehlabelo sa rena. Modimo o amogetše seo, gomme seo se nnoši.

¹³⁶ E nkgopotša athekele ye ke e badilego e sego kgale kudu. Go tswaleleng. Go bile le monna le mosadimogatša wa gagwe ba eya

go arogana. Ba thoma go ngangana, ba tshwelana, ba elwa seng sa bona. Ba be ba no se kgone go ya mmogo. Ba be ba sa kgone le go phela ka ntlong ya go swana mmogo. Kafao ba tšere sephetho go hlalana, gomme ba kgopetše tlhalo. Morago ba dirile kwano ba be ba tla kopana ntlong gomme ba be ba tla aroganya dilo tša bona gore e se ke ya swanela go ya go kgabola kgorotsheko.

¹³⁷ Gomme ba kopane ka kamoreng e tee gomme ba arogantše se se bego se le ka kamoreng yela, kamora ya go latela, ba arogantše se se bego se le ka kamoreng yela. Gomme mafelelong, ba tlile lefelong mo e lego gore, ba ile godimo ka kamoreng ya godimodimo gomme ba theošetša theranka ya kgale fase. Gomme ge ba thoma go tšea diathekele tše nnyane go tšwa go theranka gomme ba e bea, lehlakoreng le tee goba le lengwe, go lebelela go kgabaganya yo motee go yo mongwe, “O se ke wa radia, ke tla go sua ge o dira seo.” Go no swana le ge metlwae ya Bokriste e dira.

¹³⁸ Gomme morago ga lebakana ba kitimela ka go seeta se sennyane se sešweu. Gomme papa o se topile, gomme mme o beile seatla sa gagwe godimo ga sona. Ba lebelelane seng. Mo dinakwaneng di se kae ba be ba le ka matsogong a bona seng. Eng? Mosetsana yo monnyane yoo a kilego a ba wa bona, seo e bile se sengwe ba bilego le sona go swana. Go be go fedile; tlhalo e ile ya fedišwa. Ba be ba le ka matsogong a bona seng gape. Ba be ba na le se sengwe sa go swana.

¹³⁹ Gomme ge Mabaptist, le Mamethodist, le Maoneness, le Matwoneess, le Mathreeness, baena, ge re ka kgona go tla sefapanong, le go bona se sengwe seo re nago naso ka go swana, ke Madi a Jesu Kriste ao a re hlwekišago, re ka bea matsogo a rena go Mo dikologa, gomme Yena go re dikologa, le go kgona go kopanela mmogo ka tlase ga Madi a Jesu Kriste. Yeo ke tsela e nnoši ke e tsebago. A re rapeleng.

¹⁴⁰ Morena Jesu, ga se ka ke ka hwetša seeta se sennyane, eupša ke hweditše Mophološi letšatši le lengwe, gomme ke Mo ratile, gomme O nthatile. Gomme ge ke bona metlwae ye e eya ntle, go bonala go se be le tumelo, le go gogela batho kgole go tloga go kgonthe yela, motheo wa setlogo wa motheo wa Bokriste, kopanelo ka Madi, gona pelo ya ka e a baba.

¹⁴¹ Gomme ke—ke lekile thata mengwaga ye, Morena. Ke thoma go tšofala bjale. Eupša ga ka lapa. Ke sa le ka leratong, Morena. Ke a Go rata, gomme ke rata ngwanešu wa ka, gobane O a mo rata le wena. Gomme a nke ke be le monyetla go phela go bona letšatši ge bohle re ka kopana go dikologa sefapano gomme go ngangana go tla be go fedile nako yeo. Mooko o tla tšhungwa, eupša korong e tla kgobelwa go ya sešegong. E fe, Morena.

¹⁴² Gomme ge go ka ba ba bangwe ka fa bošegong bjo, Tate, bao ba sa nkago ba nagana ka se, gomme mohlomongwe ba tshepetše go thutotumelo tsoko, goba go tshepela go maikutlo tsoko, eupša

go bona gore ka yona ponagatšo ya se se lego ka gare ga bona ka tsela ye ba phelago, le go itshwara, le go dira, ba ikwela morwalo wa molato, a nke ke be le monyetla, Morena, bošegong bjo, go ba hlahlalela tlase sefapanong? E fe, Morena. Ke nyaka go ba laetša mo go lego mothopo mo re ka kgonago go ema mmogo. Ke ba neela go Wena, Morena.

143 Gomme ge le sa na le dihlogo tša lena di inamišitšwe, a le ikwela boima bjola le ka ratago go bo fediša? A bo—a bo go šilaganya ka gare ga gago? Efela o lekile go tšoena kereke, o lekile go dira gabotse, eupša o no se kgone go bo fediša. Phagamišetša seatla sa gago godimo. Nka se go kgopele go tla godimo.

Modimo a go šegofatše. Modimo a go šegofatše. Modimo a go šegofatše. Oo, nna. Modimo a go šegofatše. Modimo a go šegofatše, gohlelego moagong.

144 “Ke kwa boima bjola, Ngwanešu Branham. Oo, ke—ke lekile go bo tantsha go tloga go nna. Ke lekile go bo goelesa go tloga go nna. Ke lekile go tšoena kereke le go bo tloša go nna. Eupša, Ngwanešu Branham, bo sa le gona.”

145 Ka bobose bjale, a re tleng tlase Khalibari, e sego go ya tlase go mokgatlo wo mongwe, e sego go ya tlase go tshepedišo ye nngwe, eupša a re yeng tlase Khalibari, fao bobedi bja rena mmogo re bee diatla tša rena godimo ga Sehlabelo. Re tla ba le dilo tša go swana nako yeo.

146 Le a hlokomela ka go methalo ya phodišo? Yena ga se nke a hlompha ge eba ba be ba le Baptist, Methodist, Presbyterian. Gobaneng? O gobadišwe bakeng sa dikarogo tša *bona*; ka megogoma ya Gagwe *ba* fodišitšwe. Yena ke Kwana ye e tlošago dibe tša lefase, tše re lego karolo ya tšona. A le ka se O amogele bjale ge re rapela?

147 Tate wa Legodimong, lešaba le la diatla godimo, dipelo tše boima le dihlokomela tše boima bošegong bjo tša banna, basadi, bašemane, le basetsana. Ba hweditše seeta se sennyane le bona. Gomme ba a tseba gore go na le se sengwe sa phoša ka maphelong a bona. Gomme seo ke selo se nnoši seo se ka e dirago gabotse, ke moela wola fale go tšwa Khalibari.

148 Gomme re tla ka tumelo bjale go Madi a a tšholotšwego, gomme re bea diatla tša rena godimo ga Sehlabelo sa rena sa go tšwa madi. Re kwa nama ya Gagwe e kgeigana ka go renabeng. Re kwa meetlwa le dipikiri. Ka tumelo re dira se.

149 Ke bona se A se dirilego, gomme e be e le sohle bakeng sa rena, e sego gore O be a swanetše, eupša O rata go se dira. Gomme O gobadišwe bakeng sa dikarogo tša rena. Leina la ka ka go yona, Morena, le yo mongwe le yo mongwe wa rena. O tlapirigantšwe bakeng sa bokgopo bja rena. Tsholo ya khutšo ya rena godimo ga Gagwe, gomme ka megogoma ya Gagwe re fodišitšwe. Ka lethabo re e amogela ka tlhomphokgolo bošegong

bjo, Morena. Ke a e dumela. Ke e amogela ka tlhomphekgo. Ke a e dumela.

¹⁵⁰ Leineng la Jesu, ba amogele, Morena, ka Mmušong wa Gago. Beibele e rile, “Ba bantši ba ba dumetšego go Yena O ba file maatla go ba barwa ba Modimo.” Kafao ke—ke a dumela, Morena, gore O tla e amogela, gobane ka go . . . e sego ka sebopego se re swanetšego go tla aletareng le go dira se, eupša ka tlhokofalo, re a e dumela, re e amogela ka go bo—bo boikemo bja Lentšu, ka go ditlemo tša lerato la Gagwe, ka go kopanelo ya mogau wa Gagwe, re a e amogela, Morena. Ke a e amogela. Ga go mothopo wo mongwe ke o tsebago, ga go selo eupša Madi a Jesu.

Phološa, fodiša soulo ye nngwe le ye nngwe e robegilego, Morena. Leineng la Jesu, ke a rapela le go ba neela go Wena. Amene.

¹⁵¹ Bjale, go lena ba le ikwelago gore le be le le Khalibari, gomme le dumela se go ba therešo, gomme ga se la ke la tsoge la ba le kolobetšo ya Bokriste gabjale, ditirelo di tla be di kगतlampana feela mo dinakwaneng di se kae lebatong la ka fase.

¹⁵² Eupša go thari go feta ke naganne go be go eya go ba. Gomme efela ke e tšopotše, ka go Jesaya 50, uh, 53:5, gore O gobadišwe bakeng sa dikarogo tša rena. A le dumela seo? O tlapirigantšwe ka baka la bokgopo bja rena. A le dumela seo? Tsholo ya khutšo ya rena, moo re swanetšego go kgalwa, eupša bjale re ne khutšo, gobane O sotšwe bakeng sa rena, le gore kgalemo ya rena e be e le godimo ga Gagwe. Gomme ka megogoma ya Gagwe re fodišitšwe, re fodišitšwe mmeleng.

¹⁵³ A le dumela seo? A le a se amogela? A le a dumela gore O dula a swana maabane, lehono, le go ya go ile? A le dumela Modimo yo a ngwadilego Lentšu ka mehla o latela Lentšu, o šetša godimo ga Lona go Le tiišetša? O a Le boloka. A le tla Le dumela? Gona lebelelang Khalibari. Moo o lebeletšego metsotso e se mekae ya go feta bakeng sa phološo, lebelela Khalibari bakeng sa phodišo ya mmele wa gago, gomme o dumele.

¹⁵⁴ Fa go robetše godimo ga khote, ngwana. Ke duma gore nkabe ke kgona go le fodiša. Nka se kgone. Go šetše. Fa go dutše monna wa go lebega bokaone, moisa yo moswa, o dutše ka go setulo sa bagolofadi. Ke duma gore nkabe ke kgona go mo fodiša. Nka se kgone. Fale go dutše mohumagadi o dutše ka go setulo sa bagolofadi. Ga—ga ke tsebe se e lego phošo ka bona, eupša nka—nka se kgone go e dira. E šetše e dirilwe. Le a bona?

¹⁵⁵ Go na le batho ntle kua ka bothata bja pelo, dikankere, ba ya go hwa, se sengwe ga se sa dirwa. Ke duma ge nkabe ke kgona go le thuša. Le a dumela ke be ke tla dira? Kgontho ke be ke tla dira. Ge nkabe ke be nka kgona go tšea kotara, gomme ka e bea ntle mokgotheng, gomme ka e kgoromeletša go dikologa toropokgolo ka nko ya ka, yo mongwe le yo mongwe a ntshega,

go bona le fodišwa, ke be ke tla e dira. Modimo o tseba seo. Ka kgonthe ke be ke tla dira. Eupša nka se kgone go e dira, gobane le šetše. Eupša Modimo o nthometše go le šupetša lefelong moo e diretšwego lena.

Bjale, ka tlhokofalo etlang go yona. Ka tlhokofalo mosadi sedibeng o lebeletše godimo ga Jesu ge A rile, “Sepela, hwetša monnamogatša wa gago.”

O rile, “Mohlomphegi, ga ke ne monnamogatša.”

O rile, “O boletše therešo, gobane o bile le ba bahlano. Gomme yo o nago le yena bjale ga se wa gago.”

O rile ka tlhokofalo, “Mohlomphegi, ke a dumela gore O moprofeta. Bjale, re a tseba ge Mesia a etla, O ya go dira dilo tše, go re laetša dilo tše. Eupša Wena o Mang?”

O rile, “Ke nna Yena.” E sego . . . Ka tlhokofalo ya go tebatebi o e amogetše.

¹⁵⁶ Mosadi yo monnyane ka taba ya madi o be a feditše tšhelete yohle ya gagwe. O be a no se ye tlase ka tlhakahlakano. O šomišitše tšhelete yohle ya gagwe go dingaka, gomme ga go le e tee ya tšona e kgonnego go mo thuša. Gomme o tlile a dumela ka tlhokofalo, e sego go no re, “Yo mongwe gape o e dirile.” Bokgole bjo re tsebago, ga go yo mongwe gape a kilego a e dira. O thomile se sengwe. O rile, “Ke dumela Monna yola kudu, gore ge nka kgona go kgwatha morumo wa kobo ya Gagwe ke tla thakgafatšwa.”

¹⁵⁷ O be a no se bolele seo; o e dumetše. O be a hlokofetše ka yona. Ga go pelaelo go tšere boleloko bja gagwe ka kerekeng. Go mo tšere dilo tše dintši. Eupša o be a hlokofetše. O be a—o be a ikemišeditše go e dira. Gomme kgwatho ya gagwe ya tlhokofalo mo morumong wa kobo ya Gagwe e Mo emišitše mohlaleng wa Gagwe. Gomme O lebeletše go dikologa, o rile, “Ke mang a Nkgwathilego?”

Ge Petro a Mo kgadile, o boletše, gore, “Lešaba lohle le a Go kgwatha.”

¹⁵⁸ O rile, “Eupša Ke fokotše. Bokwala bo tlogile go Nna.” Gomme O lebeletše godimo ga batheeletši go fihla A hweditše mosadi le go mmotša ka taba ya gagwe ya madi. Gomme o ikwetše ka mmeleng wa gagwe e eme, gomme o fodišitšwe go tloga iring yeo.

¹⁵⁹ Bjale, yoo ke Yena yoo a filego Bophelo bja Gagwe gomme o ntšhitšwe megogoma bakeng sa phodišo ya gago. Poreisi e šetše e lefetšwe. Modimo o e amogetše. Dibe tša bona di ile. Modimo o e amogetše, o re lokafaditše ka go Mo tsoša, le go netefatša O e amogetše, e sego feela lehu la Gagwe sefapanong, eupša tsogo ya Gagwe, gomme bjale o romela Moya wa Gagwe pele, go hlatsela Lentšu la Gagwe. Re ka kgona bjang go e belaela?

¹⁶⁰ Ge o babja, Beibele ya rena e boletše gore Jesu Kriste o a swana maabane, lehono, le go ya go ile. Yena ke Moprsta yo Mogolo yo a kgonago go kgwathwa ke dikwi tša mefokolo ya rena. Ka go nakwana ye kgolo ye, ke tlaišegile ka bolwetši, ke nna modudi mmogo wa gago, ke nna ngwaneno, gomme ke tseba se go se rago go babja, gomme ke tseba lefelo go ya, ka go lefelo lela le utilwego la tumelo go kgwatha seaparo sa Gagwe. E re, “Morena Jesu, ka tlhokofalo ke a tla bjale. Ke hlokofetše ka se, Morena. O tseba pelo ya ka. O mpoditše nka kgona go Go kgwatha; o be o le Moprsta yo Mogolo. Ke tla go Go kgwatha. A nke ke no ba le kgwatho, Morena.”

Se sengwe se kgwaparetša morago, se rile, “O e hweditše.”

“Ke a Go leboga, Morena. Ke a Go leboga, Mohlomphegi, Mophološi wa ka. Ke a e dumela.”

O se tsoe wa tlogela kota yela. Ke ya gago.

¹⁶¹ Gona ge A tsogile, a A ka dira selo sa go swana lehono ge eba O a phela? A le a dumela O a phela? “Gobane Ke a phela, le a phela le lena.” Gona O a phela. Gona, ge A phela, gona O tla swana bjalo ka ge A kile a ba. A yeo ke nnete? Bjale, le a dumela.

¹⁶² Bjale, le se ke. . . Bjale, ke no ya go le botša, lebelelang pele, go leba go nna, eupša ga ke re seo ka tsela ye. . . Ke se ra ka tsela ya go swana le ge Petro le Johane ba boletše go monna kgorong, “Re lebelele.” Le a bona? Seo se ra gore, efang sedu go se ke se bolelago. Le a dumela gore ke le boditše therešo.

¹⁶³ A re beeng selo se tekong gomme re bone ge eba ke nnete. “Netefatšang dilo tšohle,” Beibele e boletše. Nka se kgone go Mo dira a e dire, eupša O tshepišitše go e dira. Fao ke mo ke e swerego. O tshepišitše gore O tla e dira. “Mediro ye Ke e dirago le tla e dira le lena. Yo a dumelago go Nna. . .” Gomme Modimo o a tseba ke a dumela ke bile Khalibari mengwaga ya go feta. Ke a dumela O boloka Lentšu la Gagwe, gomme le a le dumela le lena.

¹⁶⁴ Ge nka be ke kgona go fodiša ngwana yola, ke be ke tla e dira. Eupša ke go boditše (Ngwana wa gago?) Nka se kgone go le fodiša. Gomme ge Jesu a ka be a eme fa a apere sutu ye, ebile O be a ka se kgone. O be a tla go botšiša ge eba o ka dumela Lentšu le bošegong bjo, “Ka megogoma ya Gagwe o ile wa fodišwa.”

O re, “Ga ke na le tumelo ye ntši, Ngwanešu Branham.”

¹⁶⁵ A le Mo kwele a re ge o na le tumelo bogolo bja peu ya masetete? Tumelo ya peu ya masetete e ka se dire mohlolo. Eupša ge o ka swarelela go yona, e tla go tliša ntle. Mmm? E no e kgwaparetša. Yeo ke yona.

Wa dihwahwa, ge o ka dumela gore Modimo o tla e dira gabotse, O tla e dira. A o tla e dumela? A o tla e amogela? Modimo, e fe.

166 Wena, o na le lerapo le le robegilego ka mokokotlong. Ga se ka ke ka go bona ka bophelong bja ka, eupša seo ke se e lego phošo. Nka se kgone go go fodiša, eupša o ka se kgone go uta bophelo bja gago. A le a e amogela? Ge A tsebile se se bego se fošagetše ka mosadi, ge A tsebile se se bego se fošagetše fa le fale, O sa le selo sa go swana. A le a e dumela? Le a e amogela?

167 Go reng ka wena, mohumagadi? ka bontši bja thatafelo ya dithišu. A o a dumela gore Modimo o tla go dira o fole go yona? Bjale, o ka kgona go ba le ramatiki goba eng kapa eng. Bophelo bja gago, o ka se kgone go bo uta. O a e dumela, ka gore O gobaditšwe ka baka la dikarogo tša gago, ka megogoma ya Gagwe o fodišitšwe. A o a e dumela? Seo ke tlwa se A se boletšego.

168 Monna a dutšego godimo mo khoneng, o tlaišega ka bothata bja mogodu, o na le ditlhakahlakano ka bjona. Ga a tšwe mo; o tšwa Texas. A o a dumela gore Modimo o a go tseba? Ga ke dire. A e tla go thuša, ge Modimo wa go swana yo a kgonnego go re, "Leina la gago ke Simone"? Mna. Summons, bjale o ka kgona go boela Texas gomme wa fola bothata bja gago bja mogodu, ge o e dumela.

169 Go ne monna o dutše fa, o tshwenywa ke disaenase. Ga ke mo tsebe, ga se nke ka ke ka mmona. O tšwa Shreveport. Mna. Wallace, o a dumela? A yeo ke therešo? Phagamišetša seatla sa gago godimo. Tumelo ya gago e a go thakgafatša, ge o ka e dumela.

170 Mohumagadi a dutšego morago mo, o na le go phatloga. O na le ngwana le yena yo a sego a felela. Ga ke mo tsebe. Ga se ka ke ka mmona. Eupša ga a tšwe mo. Eupša o a ntumela le go dumela lentšu le ke le bolelago. O tšwa Arkansas, go tšwa Hope, Arkansas. Leina la gagwe ke Mdi. Jackson. O a e dumela, mohumagadi? Eya gomme o fodišwe.

171 Seo se rathile kgole, ka moragorago ga moago, mohumagadi le mošemane yo monnyane yo a sa kgonego go ithuta ka sekolong. Ga a tšwe mo le yena. O tšwa Mississippi. Mohumagatšana Stringer, dumela ka pelo ya gago yohle, gomme mošemane yo monnyane o tla fola. Wena o ka kgona go dumela, dilo tšohle di a direga.

172 Mosadi yo monnyane wa go tšofala a dutšego thwi mo, o na le kankere, o a hwa. Minnie, a o a dumela o tla fola? Dumela go Morena. Ke a go hlohla go e dumela.

Mna. Grigsby, o tšwa sepetlele ka TB, dumela ka pelo ya gago yohle. Fola.

Ga se ka ke ka bona monna ka bophelong bja ka, bjalo ka ge ke tseba.

173 Ke eng? Diriša leina la gago. Ka megogoma ya Gagwe re fodišitšwe. A le a e dumela? Gona ke Bogona bja Gagwe. O gobaditšwe bakeng sa dikarogo tša rena. Gona ge A ka kgona

go dira seo, go netefatša gore O fa le Lentšu la Gagwe. Bjale, dikarogo tša rena ka tlhokofalo di lebaletšwe. Makgopo a rena a ile. Re na le khutšo le Modimo ka Morena wa rena Jesu Kriste. Megogoma ya Gagwe e a re fodiša. O e netefatša go rena; re lebaletšwe.

O dira eng? O topa tlhokofalo yela. Šetšang motho yola a kgwapareditšwego sefapanong. Etela batho ba, e ka ba mang a bilego.

Ke bona yo mongwe. E no tšwelapele o dumela.

174 A nke ke go botšiše se sengwe. A o dumela ka pelo ya gago yohle? Jesu o rile, “Maswao a a tla latela bona ba ba dumelago.” Ke ba bakae ba dumelago? Gona beang diatla tša lena go lena seng ge o le modumedi. O ngwana wa Gagwe bontši bjalo ka ge ke le.

175 Ke eng? Ke bohlatse gore O mo. Oo, a re ka se kgone go tla ka tlhokofalo bjale, ka morago ga Lentšu la Gagwe, ka morago ga Bogona bja Gagwe? Yoo ke yena Modimo yo a tla go ahlolago ka letšatši la kahlolo.

176 O Modimo, eba le kgaogelo bošegong bjo. Ke a rapela, Tate wa Legodimong, gore Moya wo Mokgethwa wa go šegofala, Kriste yo a phelago, e sego modingwana, e sego toropokgolo, e sego motlwae, eupša Kriste yo a phelago yo a tsogilego go tšwa bahung, a hlompfago Lentšu la Gagwe ge Le rerwa ka maatla a Madi a Gagwe, le tsogo ya Gagwe.

177 Ba ke badumedi. Thomo ya mafelelo, O rile, “Maswao a a tla latela bona ba ba dumelago. Ge ba bea diatla tša bona godimo ga balwetši, ba tla welwa ke maruru.” Morena Jesu, ke rapela le bona. Ke mo sefapanong. Ba mo sefapanong. Re ne se sengwe le se sengwe go swana. Madi a Jesu Kriste šea. Morwa wa Modimo šo le rena, o inetefatša Yenamong go ba mo. Re bea diatla tša rena godimo ga mmele wa Gagwe wa go roromela. Re amogela phodišo ya rena.

178 Gomme bjale, Sathane, re a go leleka Leineng la Jesu Kriste, etšwa fa gomme o tlogele batho ba gore ba ke ba ye gomme ba dirwe go fola ka maatla ka tsogong ya Jesu Kriste.

179 Ke a Mo dumela. A re e boleleng mmogo. Ke a Mo dumela. Ke a Mo amogela. Bjale, bitša leina la gago. Ka megogoma ya Gagwe . . . E boleleng le nna. Ka megogoma ya Gagwe (bjale leina la gago) William Branham o fodišitšwe. Go fedile. Go fedile. Modimo yo a dirilego tshepišo o mo go tišetša tshepišo.

180 Jesu o rile, “Bjalo ka ge Tate a Nthomile, kafao Ke roma lena.” Gomme Modimo yo a Mo romilego o be a na le Yena le ka go Yena. O rile, “Ge Ke sa dire mediro ya Gagwe, le se Ntumele.” Gomme ge ke sa le botše therešo, A ka se e thekge. Eupša Modimo yo a rometšego barutiwa ba Gagwe, o rometše mosepelo wo wa Modimo ka nageng. O na le wona go netefatša gore O na le wona.

Wona maswao ao a tshepišitšwego a hlatsela Bogona bja Gagwe.
Re ka Bogoneng bja Jesu Kriste.

¹⁸¹ Ke amogela phodišo ya gago. Ke a e amogela. Ga ke kgathale se se diregago bjale. Ga se ka lebelela go seo. Ke lebeletše go tumelo ya gago e kgwapareditšwego mošola, e kgwapareditšwego sefapanong, moo o beilego seatla sa gago godimo ga Sehlabelo sa gago. Sepela gomme o e dumele. O tla swanela go fola.

Ke a Mo rata, ke a Mo rata,
Gobane O nthatile pele

Swara seatla sa gago godimo ga Sehlabelo sa gago bjale.

Gomme a lefela phološo ya ka
Godimo ga mohlare wa Khalibari.

A re emeng bjale.

Ke . . .

Phagamišang diatla tša lena le dipelo tša lena bjale.

Ke . . . (O Mo ratela eng?) . . . rata (Sehlabelo sa
Gago, Seloba sa rena),

. . . gobane . . . o ratile pele . . . (Ke eng A e lef-
. . . ? Tokologo ya gago ya go felela bjale.)

Gomme a lefela phološo ya ka
Godimo ga mohlare wa Khalibari.

Ke rata . . . (Oo, ke no se kgone go tlogela go e
opela ka mokgwa wo mongwe.)


. . . gobane . . . o nthatile pele,
Gomme a lefela phološo ya ka

Godimo . . .

¹⁸² O nagana eng ka seo, morwa? O a e dumela? A o a dumela gore bothata bja kgale bja mogodu bo ya go go tlogela? Huh? Lehuto ka mogodung le ya go tloga? Go lokile. Le tla dira.

Ke . . . Ke . . .

Go lokile, lesogana.

Morena Jesu, efa phodišo ya batho ba, le disakatuku tše,
Leineng la Jesu . . . ? . . . 

62-1124E Dilo Tšohle
Life Tabernacle
Shreveport, Louisiana U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org